

DISPUTATIO
 ANATOMICO - CHIRURGICA
 INAUGURALIS
 DE
 HERNIA CRURALI
 QUAM
 DIVINA ASSISTENTE GRATIA,
 CONSENSU ET AUCTORITATE
 GRATIOSISSIMÆ
 FACULTATIS MEDICÆ
 IN
 PERANTIQUA ACADEMIA
 HEIDELBERGENSI,
 PRO LICENTIA
 Summos in Arte Medica Honores ac Privi-
 legia Doctoralia legitime obtinendi,
 PUBLICO EXAMINI PHILIATORUM
 in Auditorio majori submittit
Ad diem 5. Septembris M DCC XXVI.
 DANIEL KOCH,
 CRUCENACO-PALATINUS.

*Monsieur
 And*

10

1917

1917

1917

1917

1917

1917

1917

1917

1917

1917

1917

1917


PERILLUSTRI
ET
EXCELLENTISSIMO
DOMINO
D. PHILIPPO
CAROLO
LIB. BAR. ABHUNDHEIM,
SERENISSIMI AC POTENTISSIMI
PRINCIP. ELECT. PALATINI
CONSILIARIO INTIMO, CAMERARIO, NEC
NON ARCHISATRAPIÆ CRUCENACENSIS,
ARCHISATRAPÆ GRAVISSIMO,
DOMINO MEO GRATIOSISSIMO.

UT ET
VIRO PRÆNOBILISSIMO,
AMPLISSIMO
ET EXCELLENTISSIMO
DOMINO,
FRANCISCO
ANTONIO
DE SCHERER
AB HOHENCREUZBERG,
SERENISSIMI & POTENTISSIMI
PRINCIPIS ELECT. PALATINI CONSILIARIO ET
TRUCKSASSIO ARCHISATRAPIÆ CRU-
CENACENSIS SPECTATISSIMO,
DOMINO ET PATRONO MEO
PERPETUA OBSERVANTIA DEVENERANDO,

*Hanc Disputationem Inauguralem ob magnam & immeritam
in Parentem meum, meque ipsum derivatam gratiam ac
benevolentiam, in publicum devota grataque mentis spe-
cimen ea, qua decet submissione offert & consecrat, simul-
que se ac sua studia porro humillime commendat*

Subjectissimus, & obstrictissimus servus
DANIEL KOCH.

PROOEMIUM.

 uicunque Medicinæ faciem, qualem in incunabulis & primordiis suis habuit, & quam nostris hisce temporibus præ se fert, fixis oculis intuetur; ille facile deprehendet istam totam quantam immutatam, hancque artem nostro ævo ad summum fere fastigium eve-ctam esse. Quod dum assero, longe abest, ut in venerandam antiquitatem vel ingratus vel injurius esse velim; quippe quæ magna cum industria & indefesso labore glaciem utique fregit, viamque stravit, quam ingredi, & ulterius pergere non ita difficile posteris erat: uti etiam inventis aliquid addere facile est. Quicquid autem sit, in propatulo est, Pathologiam tum Medicam, tum in primis Chirurgicam innumeras ab antiquissimis temporibus accessiones tam nostro, quam etiam superiori seculo habuisse. Quot enim morbi detecti, quot remedia, quibus hi oppugnari possunt, inventa; de quibus altum in veterum scholis silentium erat. Quæ sicco prætereo pede. De rebus Chirurgicis, si quædam proferre licet, quot affectus hodiernum occurrunt, antiquitus incogniti; quantus instrumentorum apparatus nunc suppetit, quem, ubi cum illo

A veterum

veterum comparaveris, vel in melius mutatum, vel multis novis auctum reperiēs. Ut nihil dicam de pluribus numero operationibus, de quibus olim ne cogitatum quidem fuit. Quis enim priscis temporibus fistulam lacrymalem à sola sacci obstructione obortam styli exilissimi immissione, & liquoris ope siphunculi injectione curare suscepit? Quis etiam in oculo, quem tunc temporis vix tangere audebant, plures operationes, quæ à quibusdam Chirurgis ophthalmicis hodie audacter administrantur, talia instituere aggressus est? Quis lithotomiam eo modo, quem aliqui à quatuor abhinc lustris in usum vocarunt, peragere ausus est? Pluribus aliis recensendis jam supersedeo. Hoc Unicum subjungens, quod herniarum pathologia atque praxis non levia pariter incrementa ceperit. Cujus rei luculentum nobis documentum præbet Hernia vesicæ, quæ quandoque ab intestini vinculis soluta è sede sua ordinaria in scrotum prolabitur. Idem confirmat **HERNIA CRURALIS**, in qua omenti, frequentius intestini portio per anulum, qui vasa cruralia transmittit, foras prorumpit, atque in superna femoris sede tumorem p.n. efformat. De quo affectu, cum in Antiquorum Scriptorum monumentis vel nulla prorsus vel rara admodum, quantum scio, mentio injiciatur: operæ pretium esse duxi, de illo speciminis inauguralis loco, quantum ingenii vires permittunt, pauca quædam commentari. Quod ut feliciter cedat, **DEUM T. O M.** ardentibus invoco precibus; à Benevolo autem Lectore benignam mihi censuram expeto.

CAPUT I.

§. I.

ANtequam statum p. n. sive pathologiam Herniæ pertractandam suscipiam, brevem quandam organorum affectorum descriptionem prælibare operæ pretium esse arbitror; statu enim naturali probe cognito, & p. n. dignosci, symptomata facilius & felicius indagari, vera prognosis indigitari, tandemque salutaris medela afferri potest. Ad partes affectas autem Musculi Abdominis potissimum sunt referendi; quorum quinque paria in Anatomicorum scholis demonstrantur: Obliquum Externum, Internum, Transversale, Rectum atque Pyramidale. Ne vero ea, quæ ad cognitionem status p. n. & præsens institutum supervacanea videntur, in medium afferam; horum musculorum Onomatologiæ, principio atque insertioni tradendæ non inhærebo: uti & musculos pyramidales valde exiguos, sæpe ex toto, sæpe etiam ex parte deficientes, ad scopum præsentem nihil facientes sicco pede prætereo. Reliquos Abdominis musculos anteriorius & in utroque latere ventrem infimum, ossibus destitutum, ab injuriis externis munientes, tria foramina partibus tum foetus ergastulo suo inclusi nutritioni, tum generis humani propagationi, tum extremitatum inferiorum conservationi dicatis, exitum concedentia, perforant. Quorum primum in media & antica Abdominis parte inter utrumque musculus rectum locatum, à media utriusque

musculi recti , tendinibus muscutorum Transversalium, Obliquorum Extern- atque Internorum efformatur, atque vasis umbilicalibus transitum præbet. Quod vero foramen, usu vasorum umbilicalium cessante, obturatur; nihilominus tamen partibus inde egressuris umbilicus pariter ac inguen viam pandit, quia, uti hic, ita & illic, annulus à tendinibus muscutorum unitis formatur, per quem processus peritonæi, à lamella hujus externa formatus, & funiculi umbilicalis usque ad placentam individuus comes foras exit, qui annulus accedente causa aliqua violenta dilatatur ac ille in inguine, cui accedit, quod circa umbilicum omentum pariter ac intestina mox se offerant; hinc, musculis rectis ad latera depressis, qua data porta, foras ruunt.

§. II.

Muscutorum Obliqui Externi & Interni, descendents atque ascendents nomine alias ob fibrarum tractum insignitorum, fibræ musculosæ illius oblique descendendo, hujus vero simili decursu ascendendo, atque Transversi transversim excurrento se invicem decussant. Considerandi sunt hi æque ac musculus rectus tanquam 4. aut 8. virtutes motrices, in 4. aut 8. abdominis angulis consistentes, quorum vis circa umbilicum unitur & colligitur, sub quo maxima intestinorum pars sita est, ita, ut Abdomen una cum contentis visceribus undique & undique ab iisdem comprimatur; sicque mediante hoc perpetuo motu cum
dia

diaphragmate reciproco respirationem , digestionem , motum humorum in Abdomine, præsertim sanguinis & chyli, secretionem item in diversis visceribus , & varias excretiones mirum in modum promovent. Simul verò etiam firmiorem herniis, quas ventrales vocant , quasque non raro magnus in difficili partu nisus, frequentius vis externa, ictus, lapsus &c. producere solet , obicem opponunt. Sunt autem hi muscoli, qui secundum foramen constituunt, prope inguinis regionem perforati, & processibus peritonæi, in viris vasa spermatica , in mulieribus ligamenta uteri rotunda vel teretia includentibus, transitum præbent, nec non in statu p. n. aliquibus in abdomine contentis partibus egressuris viam sternunt: unde fit, ut sexus sequior æque ac virilis, quamvis rarius, huic malo obnoxius sit. Vocantur isti musculorum hiatus annuli: qui differunt. 1. situ, circa quem notandum , quod ordinarie sibi invicem paralleli non sint, sed externus inferior est medio, & medius interiori: in statu p. n. vero ab omento & intestinis prolapsis magis paralleli evadunt. 2. Decursu obliquo, apertura in musculis interioribus est magis lateralis, & propius ad os ilium vergit, cum è contrario hiatus externi ad os pubis magis accedat. 3. Substantia, annulus ille, qui ab obliquo externo formatur omnium fortissimus & valde tendineus est; cui multum roboris addunt fibræ multiplicatæ extremum marginem & limbum constituentes, & superius maximè conspicuæ, adeoque tam ascensui, quàm

redu-

reductioni partium è situ lapsarum quam maxime resistit. Annulus obliqui interni magis musculosus est, & transversalis, qui, si adest, membranaceus esse asseritur, sæpe tamen non invenitur. Præterea annotare liceat, transversitendinem utplurimum non foramine integro gaudere, neque, ut Obliqui externi tendo solet, dimidiato foramine pertusum; sed toto suo inferiore limbo iisdem processibus peritonæi transversim superimpositum conspici. Et si dicendum quod res est, nonnisi duo annuli sunt, è quibus nempe exterior firmus, validus atque robustus prolapsum intestinorum vel omenti impedit, quod Autopsia anatomica confirmat. Altero scilicet interno & musculo ad præcavendum prolapsum non multum faciente. Arteria & vena spermatica in viris, in sexu sequiore ligamentum uteriteres, musculi Transversi fibris istos processus transversim tantum perreptantibus, inter utramque peritonæi lamellam delata, musculi obliqui interni fibras musculares divulsas, annulum aliquo modo efficientes, transeunt; postea obliquo tractu per vere sic dictum annulum Obliqui externi, ob figuram annularem hoc titulo dignissimum progrediuntur. Magnitudo hujus annuli tanta est, ut immissum digitum facile admittat; quo minus autem contenta abdominis à levi accedente causa violenta elabantur, fibris robustis, tendineis in limbo ejus processum peritonæi firmissimè amplectentibus eum donatum esse supra innui. Admiranda hac structura Providentia Divina generi humano

no præ brutis benignissimè prospexit, ne quibusdam abdominis partibus facilis & proclivis è dicto ventre egressus esset. Quodsi enim processus peritonæi, uti in canibus, hiatu insigni pateret neque occluderetur, in quibus stilus aut flatus liquorve per apertam circa inguina viam ad testes immittitur, uti *Gerh. Blas. Zoot. de can. c. 2.* id perhibet, periculum esset, ne omnes fere homines hernia laborarent. Cum, ambulantibus nobis, quos DEUS erectos voluit magis quam reliqua animalia, uti eleganter Poëta cecinit:

Pronaque cum spectent animalia cætera terram,
Os homini sublime dedit, cœlumque tueri.
Jussit & erectos ad sidera tollere vultus.

deorsum ponderosa intestina continuo ad locum minoris resistentiæ atque foramen apertum gravitarent, atque impetu in annulos facto illos dilatarent, adeoque herniam, si cautum non esset, frequentissime producerent. Quod quadrupedibus horizontali linea incedentibus faciliè contingere non potest; quia omnis contentorum moles circa umbilicum accumulatur: hinc illa hernia umbilicali potius afficiuntur.

§. III.

Tertium foramen vasis cruralibus, tendinibus muscutorum Psoæ atque iliaci liberum ex infimo ventre exitum concedit, & speciem quandam annuli visui offert. Hu-
jus

jus foraminis structuram paulo fusius & exactius pertractare mearum partium esse existimo, ut Herniæ Cruralis, de qua altum apud plerosque etiam peritissimos Chirurgiæ Scriptores silentium est, magis perspicuam descriptionem exhibere possim. Quo verò à me hoc rite fiat, differentiam hujus à præcedentibus præmittere mihi incumbit. Distinguitur autem à præcedentibus. 1. Situ, Annulus hic magis in exteriori inguinis regione atque superiore femoris parte situs, ad commodiorem venæ & arteriæ cruralis decursum, in levi sinuositate ossi ilei insculpta, arcum quasi efficit, dictaque vasa cooperit, & ab injuriis externis defendit, cavitatem etiam ovalem efformat 2. numero, hic tantum unus, à ligamento Poupartii & tendine utriusque musculi obliqui formatus, illic tres, vel potius duo se-
le offerunt: magis à se invicem distincti. 3. Substantia, Annulus cruralis intus membrana peritonæi unice, superius tendine utriusque musculi obliqui & ligamento Poupartii, è quo potissimum formatur, extus aponevrosi fasciæ latæ, & integumentis communibus; illi vero, nempe inguinales fibræ muscularibus atque tendineis à musculis obliquis pariter originem trahentibus, & membrana peritonæi firman-
tantur. Expansioni fibrarum musculi obliqui externi in regione inguinali introrsum pergentium, atque quibusdam in locis fibræ musculi obliqui interni ita adhærentium, ut duo illi tendines sine dilaceratione ab invicem separari nequeant, quibus superimponitur elegans fibrarum semi-

circu-

circularium fasciculus ; cujus fibræ validæ , tendineæ ex spina ossis ilei anteriore & inferiore exortæ, oblique transversim ad supremam & anteriorem ossis pubis sinuositatem, instar arcus extenduntur ; ut vasa Cruralia, ceu sub fornice tuta à compressione lateant, cui in variis corporis atque cruris motibus obnoxia sunt. Dominus *Poupart* hunc fibrarum tendinearum fasciculum, in veterum Anatomicorum libris, & præsertim in illo *Vesalii*, quem *Fabricam Corporis Humani* inscripsit, jam dudum memoratum, & accurate descriptum, pro peculiari ligamento, quod suspensorium ab usu appellat, venditavit. vid. *Hist. Acad. Reg. Scient.* 1705. p. 64; Cujus existentiam Anatomicorum Principes perspicacissimi *Joh. Bapt. Morgagnus Adv. Anat.* III. p. 2. atque *Comperus*, quos *Clar. Heisterus* in *Comp. Anat.* etiam secutus, jam publice negarunt. Hæc species ligamenti à Gallis vocatur *L'arcade*, quia fornicem vel arcum quandam satis exactè præ se fert. Quamvis autem illud pro peculiari ligamento modo laudati Anatomici non admittant, attamen illud pro peculiari ligamento haberi potest, quia fibræ tendineæ illic robustiores & multiplicatæ à reliquo tendine differunt: revera in lacertosis præsertim subjectis à tendine muscoli obliqui descendentes distinctum conspexi, & fibrarum semicircularium fasciculum tendinearum sparsum, aponevroticæ muscoli allegati extensioni superexpansum pro annulo crurali formando & firmando ad istum ligamentosum tendinem exporrigi plus una vice

in florentissimo Theatro Anatomico Argentinensi duce Excell. & Exper. D. D. *Joh. Salzmanno* commendatissimæ famæ Anatomico, Patrono & Præceptore ad dies vitæ colendo observare mihi licuit. Non levem attentionem meretur, atque non sine ratione Sapientia divina hoc ligamentum trium digitorum transversorum longitudine condidit, eum in finem, ut 1. Arteriis & venis Cruralibus, tendinibus musculorum Pfoæ atque Iliaci, nec non nervo crurali tutum transitum suppeditet, ne in flexione corporis aut cruris, vel tempore graviditatis hæ dictæ partes lædantur; quod facile contingeret, si totum illud ligamentum aponevroticum æquali inosculatione in isto interstitio à spina ossis ilei usque ad os pubis memoratis vasis annecteretur: nec fornice vel arcu suo interstitium quoddam relinqueret. 2. ut robur annulo crurali atque muscoli obliqui externi conciliet, impediatque, ne levi de causa intestina & omentum prolabi, adeoque herniæ generari queant. 3. Ut totam viscerum abdominalium molem sustentent, & veluti suspendant, ne vel nimium deorsum gravitent, vel etiam delabantur, quam ob causam in *Hist. Ac. Reg. Sc. l. c.* ab Autore suo ligamentorum suspensoriorum nomen obtinuerunt; quem usum ut præstare valeant, situs, decursus & connexio eorum non parum conferunt. 4. Denique ossa innominata, quæ in junioribus in tres partes in acetabulo ossis femoris lineis adhuc distinctis divisa oculis subjiciuntur, conjungendo & conjuncta servando egregium quoque effectum edunt.

Superest Peritonæum Abdomini obtensum, subtensum vero musculis modo recensitis, imprimis Transversalibus, quibus cum arctè satis connectitur, & non parum roboris & firmitatis imprimis supra umbilicum ab eorum tendine emendicat. Pars hæc infimi ventris membranacea, plus minusve tenuis, satis tamen valida, firma & elastica, ex fibris tendineis ligamentosis, nerveisque contexta est, omnia in Abdomine contenta viscera, veluti saccus immediate ambiens & in sinu suo fovens. Utut autem firma satis & robusta sit hæc membrana, à superstratis tamen musculis multum roboris acquirit, ne facilè laxetur aut disrumpatur, id quod in vulneribus abdominis, illæso peritonæo; item in annulis inguinalibus multum relaxatis observare licet. Notandum quoque, quod non ejusdem tenuitatis ac crassitiei ejus textura ubivis sit. Cum in viris juxta Anatomicorum assertum à Cartilagine Xiphoide ad umbilicum usque, in fæminis ab umbilico versus pubem crassior evadat. Superficies hujus exterior, qua musculis abdominis adhæret, aspera est: interior quam maximè lævis & humore perfusa observatur, qui humor à continua exhalatione partium serosarum è visceribus & pinguium ex omento deducenda. Duplex est Peritonæum, sed hujus duplicaturam Veteres atque Recentiorum quidam in dubium vocare aut plane negare non erubuerunt; quem nodum Gordium facillime unico ictu, non quidem gladii, sed oculi solvit Autopsia anatomica;

B 2 dum

dum illam postica in parte, in qua Renes, Vesica urinaria, Ureteres, Vasa spermatica &c. sita sunt, omnium intuentium oculis sistit. Omnibus in ventris visceribus extimam tunicam, crassiorem nempe illis, quæ extensionem notabilem subeunt, uti Ventriculo, Vesicæ urinariæ, Utero; tenuiorem partibus, quæ non distenduntur, uti Hepati, Lieni &c. largiri vulgo fertur. Duplicatura peritonæi non obscure demonstrat, illud duabus gaudere lamellis, nunc arctè, nunc laxè cohærentibus, quibus interspersa est substantia cellulosa, sive vesiculosa. Lamella interior versus inguen crassior existens, ipsaque intestina, ne in scrotum delabantur, firmiter continens, annulum, vasis præparantibus transitum præbentem exactè cingit. Hac vero vel nimium dilatata, vel etiam disrupta: annulis prius dilatatis, Bubonocelen aut oscheocelen producit. Lamella ejus exterior superna femoris fede perforata vasa cruralia ad extremitates inferiores tendentia transmittit, ubi non nudas perforationes, sed processus esse Cl. *Verheyen* contendit, qui tamen processus non uti in inguine longi sunt, & multum ad inferiora ex porrecti, sed post brevissimum trajectum dictis vasis firmiter accrescunt. In regione inguinali eadem lamella exterior sic dictos processus peritonæi constituens vasa falso sic dicta præparantia ad testiculum usque comitatur, & quia vasa memorata, Testesque instar vaginæ involvit, tunica vaginalis, seu Elytroides nuncupatur. Ubi ad Epididymides seu Paraastatas pervenit, ipsis annectitur fibris copiosis,

piofis, & claustrum aliquod sibi format, quòd testiculum à reliquo vasorum præparantium fasciculo atque abdomine separat, unde flatus, facta prius infra Paraftatas incisione, immiffus in partem superiorem tunicæ Elytroidis non penetrat. Cæterum num Gula, Vena cava, Arteria aorta, & reliqua, quorum Clar. *Verheyen* meminit, peritonæum perforant, an verò potius ea obducant solum, & postea inversum rursum descendat, aliasque hujus commatis disquisitiones studio prætermitto. Hoc tantum moneo, quod peritonæi lamella interior annulo crurali superextendatur, & spatium à vasis cruralibus ad inferiora tendentibus relictum intus cooperiat, hacque ratione Herniam Cruralem, quantum potest, impediat. Attamen pars intestini ilei vel coli, peritonæo si-ve paululum dilacerato, quod rarissime contingit, si-ve supra modum dilatato, descendit, dictæque Herniæ speciem satis periculosam ac sæpe lethalem generat. De qua vid. Clar. *Verheyen. Anat. edit. Bruxell. cap. de Perit.* Præter modo memoratum peritonæi processum tres alii à lamella exteriori formantur. Duo in viris vasa spermatica, in mulieribus ligamenta uteri teretia includentes extra abdomen demittunt; quos tamen processus in sexu sequiore, non tam processus, quam diverticula nova fæminina vocat & describit Dexterrimus Anatomicus *Nuck Adenogr. C. X. Cont. Clar. Joh. Maur. Hoffm. obs. E. N. C. D. III. A. II. obs. 210.* quæ à peritonæo originem habentia ex orificio angustiori in Capsulas latiores expanduntur, & naturaliter uteri ligamenta rotunda non solum excipi-

unt, sed & transmittunt, atque ad Clitoridein usque prosequuntur. De quibus processibus hoc adjungere liceat, quod, ubi annulos perforant, plures emittant fibras & membranulas, quæ sepimenta membranacea constituunt, interstitium annulorum à partibus transeuntibus relictum occludentia. Tertius vasa umbilicalia transmittit, quibus abscisis, postea successive satis firmiter coalescit. Priusquam autem id fiat, non rarò in infantibus, aut etiam, ubi jam bene coaluit, in mulieribus partu difficili laborantibus extenditur, vel rumpitur, unde intestina & omentum prolabantia exomphalon formant; qui in brutis, quæ centrum gravitatis in umbilico habent, frequentior est, uti supra jam innui. Si qui sunt, qui processus peritonæi vel plane denegant, vel eorum originem ab annulorum membranis deducunt, illos Autopsia anatomica contrarium docebit & plenarie convincet. Ne tua B. L. patientia abutar, plura de Peritonæo, nihil quicquam vero de partibus genitalibus, utpotè à scopo meo aliena, recensere supersedeo.

CAPUT II.

§. I.

PARTIUM structura, quantum ad præcipua Herniæ phænomena explicanda necessarium esse existimavi, breviter perlustrata: ad Herniæ Cruralis pathologiam devolvor. Antequam id faciam, Onomatologiam Herniæ, more recepto, paucis præmittendam esse, arbitror, non multum autem immorabor, ne Crambe bis cocta & sæpius recocta B. L. nauseam

scam moveam. Herniæ vocabulum, num à græco ἑρως, ramus juxta *Scalig. in Catal.*, unde Latinorum forsan Ramex, vel ab hære sit derivandum, Grammaticis relinquo. Græco vocabulo ἑρῶν plerumque Hernia denominatur, addita voce partis, quæ prolapsa est, vel loci, per quem exiit. Latini etiam vocant Ramicem seu Rupturam, *Castellus* Crepaturam; Galli une descende, descensum: Germani einen Bruch/einen Leibschaten. Sed missa Onomatologia, ad rem ipsam propius accedo, definitionem, seu potius descriptionem Herniæ tradens. Est autem Hernia Tumor, à partibus è sede naturali & ordinaria prolapsis præcipuè in abdomine, vel à dilatatione, potissimum annulorum tum & peritonæi vel ab hujus ruptura, quod rarissime contingit formatus, & variis in locis contingens. Hernia Cruralis illa est, quando partes in abdomine fluctuantes eo in loco, ubi vasa Cruralia extra abdomen in femur descendunt, prolabuntur. Quo magis elucescat, ad quam classem sit referenda hæc nova species; brevem Herniarum divisionem prælibare non abs re fore, puto. Herniæ ab Autoribus in proprias ab intestinis & omento formatas, & in improprias, seu spurias à sanguine, semine, aquis &c. productas dividuntur. Species Herniæ propriè sic dictæ nomina à partibus prolapsis sortitæ sunt: quæ sunt vel omentum vel intestina. Ex his jejunum, atque potissimum ileum omnium facillime, nec non Coli pars in inguine sinistro quandoque elabatur. Hoc vero notandum, quod intestinum jejunum in aliis Herniæ speciebus rarius & nonnisi in exomphalo

phalo & ventrali erumpat. Ileum autem, quia annulis proximum est, atque liberrime in abdomine fluctuat, in Crurali & inguinali ruptura ut plurimum elabitur: reliquis magis superius sitis & pluribus vinculis annexis. Quod si intestinum solum egreditur, vocatur Enterocoele; si omentum tantum, dicitur Epiplomphalus, Epiplocele; quando utrumque simul elabitur, speciem mixtam constituit, & audit Epiploenteromphalus, Epiploenterocoele. Inter Hernias modo memoratas proprias non infimum obtinet locum Cruralis, quæ juxta *Garengeot* non solum frequens, sed frequentissima est, cui asserto contrariari videtur experientia, quæ pauca admodum ejus exempla nobis subministrat, imo & in Chirurgorum monumentis rara ejus vestigia occurrunt. Ad has Moderni quoque referunt aliam à vesica urinaria, quandoque sed raro in scrotum prolapsa, productam, de qua vid. *Garengeot Tr. des operat. de Chirurg. T. I c. V.* nec non sacci lacrymalis dilatationem, oculi ex orbita prolapsum, ventriculi, lienis, uteri, intestini recti procidentiam. An vero hæ ultimæ ad genuinam Herniarum Classem jure referri possint meam non litem facio. Sub Herniis impropriis militant varicocele, sicubi vasa scroti ut & spermatica instar varicum distenta sunt. Spermatocele, seu Hernia in vase deferente à semine abundante congesto orta. Sarcocoele à carnosa, spongiosa massa testiculo adnata producta. Hydrocele, seu aquosa. Pnevmatocoele, seu ventosa. De quibus videatur *Diff. Dn. Hænel de morb. Scroti Arg. 1723.* habita.

§. II.

Hernia Cruralis non à partibus prolapsis, sed magis à loco, per quem intestinum elabitur, nomen accepit; hicque potissimum est hiatus ad figuram ovalem accedens sub ligamento *Poupartii*, in interna atque superiore femoris parte locatus: quem vasa Cruralia transeunt. Partes egressuræ æque facilem, ne dicam faciliorem, uti *Garengeot* vult, & satis commodum per hunc, quam per inguinalem atque umbilicalem, exitum inveniunt: tum propter insignem hujus annuli amplitudinem, tum ob sinuositatem ossi ilei, in qua ad femur vasa Cruralia deferuntur, insculptam: quæ elapsuro intestino viam quasi sternit. *Garengeot l.c.* annulo Crurali minorem quam inguinali resistantiam tribuit, id quod avtopsiæ anatomicæ repugnare videtur. Præter modo recensita nomina cæteris Herniis propriis alia adhuc dum à loco, quem umbilicus, inguen, scrotum atque tota fere abdominis circumferentia, facta fibrarum musculosarum violenta divulsione, constituunt, imposita sunt; unde alia umbilicalis seu Exomphalus, alia inguinalis seu Bubonocoele (quæ etiam imperfecta, vel incompleta appellatur) alia scrotalis, seu oscheocoele (quæ perfecta vel completa audit) & denique ventralis appellatur. Quæ ventralis illa est, si quando ejusmodi tumor à latere umbilici aut infra aut supra eundem contingit, & quidem semper cum peritonæi ruptione. Hæc in reliquis differt in eo, quod partes per anulum antea relaxatum non elabantur, adeoque certum locum non observent, sed

C

pro-

promiscue nunc hic, nunc illic prope umbilicum exitum
moliantur & inveniant.

§. III.

Quodsi in Hernia Crurali pariter ac reliquis propriis partium in abdomine fluctuantium sensim & successive egressus fit, annuli multum dilatantur, & repositæ è vestigio rursus prolabuntur; & quoniam longum tempus requiritur, Hernia inveterata salutatur. Quando autem brevi, atque uno veluti momento prolabuntur, ita, ut annulus in superiore parte angustior, in inferiore vero sacci fundus amplior sit, Recens dicitur. Si quando in ramice Crurali, ut & reliquis crepaturis strangulatio & subsequens inflammatio deprehenditur, appellatur Hernia incarcerata. Quam strangulationem seu incarcerationem in Hernia Crurali potissimum superius arcus ille tendinosus, seu ligamentum *Poupartii*, inferius muscoli ossis femoris, potissimum Fascia lata seu musculus membranosus, & Sartorius producunt. In hac partes prolapsæ quasi in carcere detinentur, comprimuntur & non rarò annulo accrescunt, atque sine sectione & operatione sacci Hernialis integri reponi vix possunt. Quale exemplum vid. in Diss. Excell. *Eliae Cammerarii R. D Mauchart*. Cujus verba hic apponere liceat. Virum Hernia Crurali mortuum, qui operationem vivus admittere noluit, aperiendo, saccum Hernialem sub & à ligamento *Vesalii* strangulatum deprehendi; dissecto illo ligamento saccus ipse superius quasi loro constrictus, ut digitum auricularem, extracto intestino,

no,

no, vix ingerere licuerit: inferius seu in fundo amplior, partem intestini ilei continens. De qua strangulatione notari meretur, quod in Hernia Crurali frequentior sit, quam in inguinali, utut enim annulus hic amplior quidem sit, hoc extra dubium positum est, illum nempe Cruralem firmiorem esse & partes prolapsas magis comprimere, tum & spatium, quo prolabuntur, multo minus atque angustius, quam in inguinali esse. Denique Hernia cum peritonæi ruptura, quæ novam iterum speciem constituit, vel sine eadem, atque cum relaxatione contingit: quam relaxationem unice in omnibus Herniis nonnulli statuunt. De hac id tantum annoto, quod ruptio multo rarior sit, & causam violentam magna cum vi agentem præsupponat. e. gr. ictum hominis vel equi calcitrantis abdomini inflicto; qualem Casum Lutetiæ Parisiorum conspexit Vir Excell. atque Exper. D. D. *Salzmannus Anat. atque Chirurg. P. P. O. longe Celeberrimus Dominus Patronus, Fautor atque Præceptor nunquam non devenerandus, Hospes honoratissimus.* In quo plurima intestinorum pars uno veluti momento in scrotum prolapsa: alium fere ventrem præ se ferebat, abdomine ordinario omnino collapsio. Quam peritonæi ^{rupturam} plurimum ejus dilatatio præcedit.

§. IV.

Hernia Cruralis ab Inguinali ratione sacci contenta involventis differt. In illa simplex saccus visui offertur;

In hac vero duplex, præter alias quasdam partes, quibus Hernia Cruralis destituitur. Saccus contenta in Cru- ali ruptura ambiens ab utraque lamella peritonæi & prolon- gatione ejus formatur. In ramice inguinali vero unus sac- cus naturalis, alter p.n. occurrit. In naturali seu externo va- sa spermatica in viris; in sexu sequiore ligamenta uteri ro- tunda latent, è lamella peritonæi exteriori originem trahens. Internus p. n. à lamella interiori sensim & successive magis productus; & primum sarciminis, postea ulterius descen- dens cucurbitæ minuscule figuram induit: ille ipse intesti- num & omentum elapsum immediate instar sacci includit; unde saccus internus appellatur, ideo, quoniam hunc ad- huc alius, nempe externus cingit. Parte postica vasis sper- maticis immediate, parte autem antica sacco externo adhæ- ret. Saccus externus multo crassior est interno, hanc vero crassitiem membranæ cuidam robustæ & validæ in statu na- turali sacco externo solum, in p. n. vero utrique superex- tensæ & externo firmiter adhærenti debet, quæ à fibris mus- culi obliqui ascendentis & descendentis, hunc saccum im- mediate ambientibus exoritur, & à quibusdam membrana aponevrotica appellatur. In plures lamellas quoque à Pe- ritissimo Anatomico separari potest. Inter utramque nempe externam atque internam lamellam interspersam esse substan- tiam cellulofam supra indigitavi. Hæ cellulæ cum membrana pinguedinosa scroti præter naturam inflatæ procreare foliola, quæ à Gallis vocantur des feuillets: quorum separatio Operatori

in

in Herniotomia ante sacci Hernialis apertionem non parum negotii faceffunt. Quam tandem musculosa feroti membrana, dartos dicta, atque integumenta communia excipiunt.

§. V.

Causæ Herniam Cruralem efficientes, jam mihi recensendæ veniunt. Quarum plurimæ cum aliis ramicibus communes videntur. Et sunt vel externæ, vel internæ. Harum 1. Est nimia partium internarum, nempe intestinorum, vel etiam annulorum lævitas 2. Res abdominis viscera vel distendentes, vel etiam comprimentes, uti flatus conclusi, urina retenta, ingravidatio, quæ ut plurimum circulationem sanguinis in Vasis Cruralibus, præcipue in vena, varicosam dispositionem sæpius referente, ob Uteri distensionem & compressionem, impedit. Hinc 3. Serum stagnans, quod in Hydrope Ascite observare licet, peritonæum, musculos, tendines atque ligamentum *Poupartii*, fibrarum atoniam inducendo, relaxat, atque hac ratione Herniæ Cruralis causa existit. Quæ fibrarum imprimis illarum, quæ annulos formant, relaxatio præcipuum inter causas locum obtinet; annulis quippe intestina in debito situ non continentibus, irritus est peritonæi conatus. 4. Nimia corporis obesitas quoque multum disponit ad Herniam producendam. Ad causas externas referri merentur 1. Ingens aëris cohibitio, in qua diaphragma deorsum premitur, & muscoli abdominis ad interiora agunt; hinc viscera infimi ventris forti-

ter comprimuntur, atque sufficienti spatio destituta foras ex abdomine eniti quovis modo tentant. Quod evidentissime in tussi ferina, sermone fortiori & diu protracto, tubarum inflatione, oneris gravioris gestatione, partu laborioso, fæcum induratarum excretionem, vomitu contingere videmus, quas ultimas actiones, ubi edimus, monendum est, digitis utrique annulo impositis, Herniam præcaueri posse. 2. Diæta pinguior, seu potius abusus pinguium, butyri, adipis, olei; unde hoc malum Helvetiæ Incolis fere Endemium est. De quo vid. Diss. D. Freytag de Hern. Helv. incol. frequentiss. Arg. 1721. hab. Huc quoque spectant cibis & potus fermentescens, aut alia ratione flatibus occasionem præbens. v. gr. legumina, olera: inter potus genera præ omnibus referri meretur cerevisia frigida, avido haustu ingesta, vel non defœcata, aut ex avena absque lupulo parata, unde sæpius colica oritur, quæ, si diu durat & vehementior fuerit cum crebris vomitibus, in Herniam Cruralem tandem transit, id quod seq. exemplo comprobavit Medicus & Practicus Argentoratensis, dum viveret, primarius & alias felicissimus qui Anno 1718. postquam plurimos ægros invisens per totam urbem discurrerat & Sirio tunc temporis maxime ardente multum incaluerat, cerevisiam frigidissimam magno pariter ac avido haustu ingessit. Unde paulo post Colica cum immani ventris dolore corripitur, quam vomitus continuus & tam enormis excepit, ut ab insigni, quem fecit, conatu & nisu in latere dextro intestini Ilei portio

portio in annulum Cruralem cum vi intruderetur: Quo facto tumor ovi majusculi magnitudine in sede femoris superna non oblique juxta inguinis decursum, sed recta magis deorsum exporrectus observabatur; duobusque digitis transversis à convexo abdominis habitu distans & distinctus. Idem hic tumor, quia nullum funiculum s. pyrobolum externa specie referebat, qualis ordinarie in Bubonocoele videre est, tum ab aliis rerum Anatomicarum æque ac Chirurgicarum gnaris, tum ab ipso ægroto non ab intestino in hunc locum prolapso, sed à glandula obstructa & tumefacta formari credebatur; utut à Domino Lemaire, Viro, quem ob eximiam & profundam in Chirurgicis scientiam maximi æstimo, qui hac in re quoque consulebatur, è symptomatibus, quæ jam tum aderant judicaretur, malum Herniam incarceratam, & quidem Cruralem esse, illudque absque operatione curari non posse, assereretur. Quare id potissimum egit, ut ægro persuaderet, quo operationem fieri consentiret. Ille vero renuit, per aliquod tempus expectandum esse ratus. Interea per octiduum varia remedia, quæ in ejusmodi casu pro mitigandis Symptomatibus in usum vocari solent atque debent, adhibita fuerunt: cum vero ab eorum usu nequicquam levaminis sentiret æger, insuper è superveniente singultu & vomitu stercoreo facile conjiceret, se in maximo vitæ periculo versari, annuit tandem imo & jussit, ut operatio administraretur. Id quod undecimo morbi die, quo non obscura sphaceli indicia, nempe

nempe sudor frigidus cum summa virium prostratione conjunctus jam aderant, factum est. Incisione instituta pars intestini Ilei denudata livida & nigra intuentibus apparuit, atque suspicionem de sphacelo antea conceptam confirmavit. Quia vero via, quam intestinum elapsum fecerat, notabilis erat & longa, hoc etiam à ligamento Poupartii atque à tendine utriusque musculi obliqui valido multumque tenso superius, inferius vero à musculis femoris admodum strangulabatur, & in angustias coactum erat, dilatatio necessaria esse videbatur, qua facta & intestino intra abdomen reposito, symptomata; Vomitus scilicet & Singultus cessarunt quidem, alvus etiam reserata est, & juscula cum aliquali appetitu assumpta, nihilominus æger ob præsentem in intestino sphacelum intra biduum animam efflavit. Cadavere post mortem aperto sphacelosa dicti intestini constitutio oculis sese apertius exhibuit, & quod consideratione dignum maxime videtur, jejuni intestini portio interstitio inter peritonæum & transversum abdominis musculum paulo supra annulum impacta & incarcerata erat, partibus tensis eam valde comprimantibus, peritonæum etiam à musculo nominato semotum conspiciebatur cavitate in medio relictæ, id quod tamen non impediit, quo minus contenta utpote liquidiora per dicti intestini canalem deorsum progredi potuerint. Ex allegata historia abunde patet, quam necessarium sit, ut in ejusmodi casu operatio mature & in tempore suscipiatur, & quantum vitæ periculum im-

immineat, si illa ipsa in ultimam necessitatem rejicitur.
 3. Vehementior corporis concussio, nempe casus ab alto, saltatio, cursus, equitatio, venus immodica, & omnia violenta corporis exercitia: quæ utplurimum Herniæ in carceratæ causa evadunt. 4. Ictus validior abdomini inflictus, vel à ligno vel à lapide, vel homine aut equo calcitrante, lapsus item in abdomen. Quibus motibus muscoli abdominis vel active vel etiam passive agentes, potissimum circa umbilicum viscera undique comprimunt, & in arctum cogunt, ita, ut exitum quærant; quem neque superne ob diaphragmatis motum contrarium, neque postica in parte abdominis, ob ossium resistantiam inveniunt: quare in inferna ejus regione maximum impetum faciunt; & si annuli inguinales vel crurales dilatati jam sunt, vel relaxati, adeoque debite ii resistere non possunt; peritonæo facile dilatato, sæpe memoratæ partes foras erumpunt, quem mechanismum *Garengeot l. c.* multis explicat. Sic & subjectorum differentia consideranda est, sexui quippe sequiori familiarior est hæc Herniæ species, quia, quod bene notandum, annuli inguinales in hoc angustiores, quam in virili observantur, eo, quod ligamenta uteri minus quam vasa spermatica volumen constituunt.

§. IV.

Postquam in præcedentibus diversas Herniæ Cruralis species, nec non causas illam efficientes enarravi, rei ratio

D

postu-

postulat, ut de signis, illam comitantibus, nonnihil in medium proferam. In Hernia Crurali eo in loco, ubi vasa Cruralia ex abdomine egrediuntur, sese offert Tumor, non oblique juxta inguinis decursum, sed recta magis dorsum exporrectus, ut plurimum nullum funiculum externa specie, qualis ordinarie in Bubonocoele observatur, referens, conjunctus cum stupore ossis femoris; præterea compressa vena refluxus sanguinis ab extremitatibus inferioribus impeditus aliquatenus est: hinc vena Cruralis externa ut plurimum dispositionem varicosam induit. Et hæc sunt signa generalia, dantur vero etiam alia, quæ singulas species à se invicem distinguunt. Quodsi enim intestinum elapsum est, tumor lævis, æqualis, tensus & firmus observatur: pressusque, vestigia sui non relinquit, sæpe vero sonus & borborygmi audiuntur; quos etiam dolores colici atque irritus ad sedes conatus presso pede sequuntur. Idem tumor prope basin angustior est, & versus verticem ampliat. In prolapsu verò omenti, quod in Hernia Crurali rarius fit, tumor est mollis; *er ist gleichsam wie Fett anzugreifen/* & magis inæqualis, non adeo tensus, ad verticem sensim extenuatur, pressusque foveas diutius servat; alvo etiam libera, & ventriculo vacuo, vomitus sæpius supervenit, quem plurimi à longiore extensione omenti, ventriculi fundum trahentis & vellicantis deducunt; quo motu perpetuo, ventriculo molesto, ad vomitum irritatur. Hernia Cruralis difficulter sæpe dignoscitur ob glandula-
rum

rum inguinalium viciniam, quæ ut plurimum aliquatenus tumefactæ sub specie bubonum imponunt. Exactam diagnosin, quænam pars proprie elapsa sit, porro tum impediunt humores serosi in sacco majori vel minori in copia non rarò collecti, nec non inflammatio sive strangulatio, quo in casu parum refert nosse, utrum ab intestino, an omento sit; quia operatio semper requiritur. Incarceratam alias indicat, quod partes prolapsæ nulla vi & encheiresi intra abdomen reponi possint. Si omentum elapsum est, restanti momenti non esse videtur, quam si intestinum, tum quia vasa in hoc magis luxuriant, tum etiam, quia intestinum corruptum non æque ac omentum extirpare licet. Quod si à pondere intestini, prolongatio mesenterii Gallis *allongement du mesentere* concurrit, aut inflammatio, vel gangræna jam præsto est; Chirurgus operationem suscipiens famæ suæ ægrique vitæ male consulit. Partibus in Hernia Crurali à spasmodica constrictione memorati ligamenti compressis & veluti jugulatis, seu ut clarius loquar, Hernia simplici conditionem incarceratæ induente tumor major, durior, & magis tensus est, calor tum loco affecto, tum in toto corpore atque pulsus exterius valde sensibilis frequens & durior observatur: stupor femoris atque constrictiones spasmodicæ in extremitatibus inferioribus ingentes & anxietates superveniunt. Quæ symptomata à stasi sanguinis, & hæc à circulatione ejus in vasis cruralibus impedita ortum trahunt. Hancce è vestigio color cutis lividus, tumor mollis & indolens, respiratio fre-

quens & cum sufflamine conjuncta, singultus, gangræna & sphacelus presso pede sequuntur. Denique si ægri immorigeri operationem sustinere quovis modo recusant & mortem expectare malunt: non tantum vomitus simplex brevi post assumptos cibos ingruens, sed & stercoraceus cum antecedentibus conjunctus à compressione intestini facibus transitum denegantis certissimi mortis prodromi tristissimam tragœdiam claudunt.

CAPUT IŒ.

§. I.

Medico-Chirurgus, ut operationem valde laboriosam, periculosam, atque ægrum exquisitissimis doloribus excruciantem amoliatur, omni ope eo allaboret, ut pars non ita diu elapsa repositione, blanda manuali pressione instituta, reducatur, atque per commodum bracherium intra corpus detineatur. Hernias bracheriis absque operatione radicaliter curatas experientia quotidiana docet: subjuncto remedium annulum consolidantium usu & externo & interno. Quod quam maxime in ætate infantili, juvenili, & rarius in virili, & rarissime in decrepita locum habet, item si Hernia recens, neque incarcerata est, subligacula auxilio esse solent. Post annum vigesimum quintum vel trigesimum vero subligacula non tam curant morbum, quam id potius efficiunt, ne majora malum incrementa capiat.

piat. Optima bracheria sunt illa, quæ oblonga sunt, & annulos probe comprimunt; per longum tempus sunt gestanda. In Hernia Crurali non tam bracherium, quam potius fascia vel uniens vel alia bene comprimens applicetur magis in parte femoris superiore interna, neque tam firmiter constringenda, ne vasa Cruralia nimium comprimat, atque circulationi sanguinis obicem ponendo varia mala inducat. Curam transplantatoriam; quam plerique rejiciunt, ego non omnino improbarem, quia experientia teste plures infantes sic curatos esse constat. Quod si vero manuali pressioni pars prolapsa non cedat, Chirurgus illam semel iterumque suscipere absteineat, ne à vi adhibita inflammationibus ansam præbeat. Manuali repositioni ut plurimum flatus, nec non fæces induratae intestinum replentes impedimento sunt. Hæ clysteribus emollientibus vel leniter stimulantibus sæpius reiteratis sunt tollendæ; quos aliqui improbant eam ob causam, quia intestina magis distendunt, eoque locum angustiores reddunt; illis vero remediis carminativis rite usurpatis, quantum in artis potestate est, obviam eundum est. Diæta tenuis & quies maxime inculcandæ sunt. *Garengeot l.c.* cataplasmata resolventia, atque emollientia parti affectæ calide applicita egregium edere effectum asserit. A quibusdam quoque balnea seu infusus & fots è variis emollientibus parati commendantur. Quod si inflammationis metus imminet V. S. instituatur. Purgantia, uti in omni corporis prolapsu, ita & in Hernia cane pejus & an-

gue sunt fugienda. Regio inguinalis, imprimis ubi annulus cruralis situs cum oleis emollientibus, strictas partes laxas reddentibus, inungatur. Medicamenta præscripta ut plurimum contenta in tumore integumentis proxime substrata emolliendo, atque ingressum in abdomen facilitando effectum exserunt laudabilem.

§. II.

Hisce omnibus rite applicitis iterum repositio post aliquot horas tentetur; patiente corpore supino, capite declivi, & crure affecto erecto, jacente. Chirurgus alteram manuum firmiter arcuitendinoso seu ligamento *Poupartii* imponat eum in finem, ut partis modo repositæ egressus impediat. Altera manu tumorem recta sursum, & parum antrorsum, vel juxta methodum D. *Petit*, quam *Garengot* l. c. allegat, parum versus os pubis premat, quia annulus, per quem vasa Cruralia exeunt, huic regioni pubis propior est. Huic vero manuum tentamini Hernia non respondente, præscripta medicamenta denuo in usum trahantur. Quod si vero hæc omnia irrita atque incasum adhibita sunt, & nulla reductionis spes superesse videtur, funesta tamen symptomata urgentia adsunt, ad operationem accedendum. Priusquam autem illam aggrediatur Operator, omnia parata habeat, ne illa nimis diu protrahatur, ægerque doloribus confectus & viribus fatiscentibus pereat. Ad hanc operationem autem, quæ ab illa, quæ in inguine instituitur, non-

nonnisi in quibusdam diversa est, requiruntur scalpellum rectum, aliudque mediocriter curvum, vel scalpellum incurvum & angustius intra canaliculum delitescens, Gallis *bistouri cachè* dictum, insuper cultellus separatorius obtusus iisdem Gallis *de chauffoir* dictus, vel rectus vel incurvus: forfex recta, altero crure globulo munita, specillum item sulcatum, & ne partes lædantur, altero sui extremo clausum & obtusum, acus Chirurgica curva cum filo cera obducto; linteam carptum, plura alia linteorum frusta, splenia triangularia, quorum unum altero minus, quæ Gallis *compresse graduës* audiunt. Vinum aromaticum, spiritus vini camphoratus, albumen ovorum cum alumine vel bolo mixtum. Denique Catheter pro urina, si opus est, evacuada, & siphon clysmaticus pro educendis fæcibus ad manus sit.

§. III.

Pilis si adsunt, abradis; & memoratis impedimentis sublatis: supinus collocetur æger, declivi capite, crure affecti lateris parum inflexo, natibus elevatis; ut cutis atque arcus tendinosus paululum laxetur. Operator, alterius manus pollice atque indice mediam cutis portionem plicatam, & reliquam à ministro in latere opposito elevatam, incidat non longitudinali, ut in Hernia inguinali, sed transversali sectione secundum ligamenti *Poupartii* transversum, & paululum obliqua ad ductum flexuræ femoris. Quod dum peragitur, caute procedendum, ne ramus Cruralis exterior, mox sub
cute

cute latens, lædatur. Quodsi cutis adeo tensa est, ut digitis prehendi & plicari non possit, duobus digitis illa longitudinaliter ulterius tendatur, ut incisio transversalis super tumore institui possit, ubi iterum magna circumspeditione opus est. Remotis digitis facta incisio pro rei & circumstantiarum necessitate vel scalpello latente, vel ordinario specillo sulcato immisso est dilatanda, & pinguedo non scalpello, sed cultello separatorio; vel unguibus digitorum, quod à pluribus fieri solet, est separanda; ne sectione vel violenta dilaceratione intestinum aut vasa, præprimis præsentente peritonæi ruptura, quod vero, ut jam sæpius innui, rarissime observamus, vulneretur. Quo facto, saccus, si adest, scalpelli cuspide sursum elevetur, ei vel uno ex supra recensitis scalpellis, vel forcice exiguum vulnus infligatur, ut specillum sulcatum immitti queat. Cujus sulci ductu vel scalpello, vel forcice saccus partem prolapsam continens tota sua longitudine disseccetur. Quodsi vero instrumento, quod *bistouri caché* supra appellavimus, utimur, neque specillo, neque scalpello, neque forcice opus habemus, & majori cum securitate operamur. Cavendo, ne intestinum, vel vasa, statim se offerentia, discindantur. Quodsi vero incaute vas insigni læsum, illud est ligandum. Si quidam vasorum ramuli cutanei dissecti fuerunt, applicatione lintei carpti vel sicci, vel spiritu vini imbuti, profiliens sanguis sistatur. Sunt, qui pulverem Ægypticum in usum quoque vocant, quo tamen carere possumus. Illo vero in casu, in quo Hernia, cum peritonæi ruptura complicata est; uti sacci incisione, ita & cautelis

cautelis præscriptis opus nullo modo esse, quivis facile iudicabit. Intestinum quippe nude sub integumentis occurrens, annulo id admittente, in abdomen reponitur. Angustia vero annuli intestini in abdomen intrusionem dene-gante, ad dilatationem pariter confugiendum; de qua re mox agam. Quodsi strangulatio abest, aliqui partes in sacco contentas, hoc non aperto, in situm naturalem reponunt, quam methodum novam quidem vocat *Garengeot l. c.* sed brevi non paucos asseclas habituram esse auguratur.

§. IV.

Partibus in sacco jam nudis oculis se sistentibus examinandum venit; utrum intestinum, vel omentum, quod in Hernia Crurali rarius egreditur, elapsum sit? Quodsi omentum è sede sua prolapsum nigrum atque emortuum apparet, huic vel vinum aromaticum, vel Spiritus Vini Camphoræ aspergatur, atque in sana parte paulo supra illam, quæ gangræna atque sphacelo affecta est, omentum prius filo acu trajecto atque circumvoluto ligetur, atque extirpetur; eadem prorsus ratione, qua in Hernia inguinali idem peragitur. Ligamentum sæpius memoratum spasmodicè constrictum, ut & intestinum vel omentum eidem firmiter impactum annuli angustiam producit, atque intrusioni violentæ ansam præbet; hinc nonnisi, facta prius ligamenti dilatatione, elapsa reponi queunt. Hic verò annulus immissione specilli sulcati, & scalpelli incurvi in sulco hujus ducti; vel si huic

E


aditus

editus non datur, unguis solius applicatione dilatetur: ve-
 quod melius est, annulus ope instrumenti supra descripti *bi-*
stouri caché dicti, eidemque immissi, altero sui extremo sur-
 sum elevati, altero circa manubrium depressi, moxque ex-
 tracti, obliqua incisione versus os ilei ampliatur. Intesti-
 num elapsum, antequam reducatur, linteo vino aromatico
 imbuto foveatur, ne labem contrahat. Quodsi gangræna
 correptum & corruptum est intestinum, præstat manum de
 tabula remove, quia omne tentamen irritum prorsus est,
 experientia teste, nisi forsan hoc unicum valde periculosum
 atque anceps remedium superest, ut pars corrupta rescinda-
 tur, & residua sana integumentorum labiis assuatur, quo
 facto fæces jam non per anum, sed ex aliqua abdominis parte
 exeunt. Sed nec hæc encheiresis voto vel Chirurghi vel æ-
 gri in omnibus respondet. Pars intestini recta sursum &
 parum introrsum versus regionem pubis prematur: si fæces
 induratae obstaculum præbent, digitis illæ removendæ, si fla-
 tus, portio intestini extrahenda, ut major eis locus conce-
 datur, atque intestinum mollius evadat. Reducta hoc mo-
 do parte intestini minister linteum vel spiritu vini calido, vel
 vino aromatico imbutum annulo apponat, ne id, quod mo-
 do repositum fuerat, rursus elabatur. Annulum, quo ma-
 gis coarctetur, in superiori limbo aliquot incisionibus scari-
 ficandum hic esse, æque ac in inguine Galli volunt, an ve-
 rò finem, quem sibi hac in re proponunt, semper assequan-
 tur, inde dubitare licet, quod paucae hæ incisiones annulo,
 maxime

maxime si in Hernia inveterata multum dilatatus fuerit, sufficienter constringendo impares esse videantur, unde fit, ut æger sæpe citius vel tardius idem malum incurrat. Inutiles sacci reliquiae vel duplici vel triplici filo probe cerato fortiter constringantur, atque à partibus contiguas separentur: quæ constrictio impedit, quo minus sæpius recensitæ partes in posterum relabantur, cui velificatur non parum sacci ad annulum accretio. Sed cavendum sedulo est, ne vel arteria vel vena Cruralis, vel nervus, vel etiam tendines musculorum una ligentur; unde gangræna atque motus spasmodici oriri facile possunt. Intestino in abdomen reposito turunda medicamento aliquo defensivo prius, post digestivo imbuta, atque filo extra vulnus propendente prædita annulo non tam inferatur, quàm cum aliquali vi intrudatur; linteum Carptum huic turundæ circumponatur; reliquum vulneris eodem linteò carpto impleatur; post splenia plura triangularia vino aromatico imbuta, quorum unum altero minus sit, & minimum immediate loco affecto imponatur & applicetur. Totus apparatus firmetur fascia, quæ spica audit, magis inferius, quàm in Hernia inguinali applicanda, & quidem circa finem inguinalis regionis, atque internam & superiorem femoris partem, ita autem applicetur, ut spica directe annulo superincumbat. Crus, cui fascia applicatur, debet esse flexum, quò illa magis firmetur, ubi hoc extenditur, quæ é contrario relaxatur, sicubi alia ratione applicatur. Ægri vires post

operationem cordiali potione, atque jusculis è carne paratis refocillentur, ut & alimenta expepta toto curationis tempore exhibere convenit. Quietì tradatur æger, capite humiliore existente, ne intestina super annulum multum gravitent. Minister tum mox post factam reductionem, tum etiam sequentibus deligationibus annulo manum, ob metum novi prolapsus, applicet, ante secundum vel tertium diem, symptomatibus gravibus & funestis non accedentibus, deligatio non est removenda; in sequentibus deligationibus turunda atque plumaceoli vel spiritu vini camphorato, vel unguentis digestivis imbuti, & splenia gradatim disposita, atque fascia spica dicta applicentur ! Sicque ultimis diebus, uti in vulnere ordinatio consolidatione toti curæ, si res bene cedit, imponatur

F I N I S.



COROLLARIA.

1. *Lienis usus Medicis nondum satis perspectus est.*
2. *Graviditas ex sola urina non cognoscitur.*
3. *Signa ex sanguine per venam sectam emissio desumpta fallunt.*



Ad Nobilissimum D. Candidatum.

Quo Ruptura magis multis solet esse nociva,
 Hoc plus laudis habet, qui levat arte malum.
 Ergo Tibi meritos Phœbus decernit honores,
 Quos tuus exposcit promeruitque labor.

Gratulabundus scripsit

D. Nebel,

Med. D. & P. P. h. t. Acad. Rector.


Ergone multorum superas cogitata sophorum
 Themate tam raro, quod Tua Musa refert.
 Ergone bella canis, quo Murcia proferat enssem,
 Palladis ac oculis insidietur atrox.
 Vnius non sunt generis, quæ bella geruntur,
 Hic ferro pugnat, Pigritiæ ille litat.
 Incumbunt alii Musis, ac arma capeffunt,
 Queis hostem feriant interimantque suum.
 Ii tamen infausti, qui perdunt tempora luxu,
 Quosque latet, num enssem stringere jura sinant.
 Ille sed est felix, qui novit bella movere
 Docta, quibus fortis nonnisi Victor abit.
 Te talem præstas, mi Præstantissime KOCHI,
 Dum Cathedram, Specimen rite daturus, adis.

Quem assidue libris sol exoriensque cadensque
 Intentum cernit, Mæonidesque alere:
 Perge bonis avibus sacras tractare Camœnas,
 Scriptaque Doctorum volvere perge manu.
 Sic quoque, crede mihi, Te præmia digna manebunt,
 Et meritum lauro cinget Apollo caput.

Hisce

*Nobilissimo Do. CANDIDATO
 Auditori & Convictori hætenus suo
 de Crurali Hernia differenti applaudit*

JO. SALZMANN,
 Med. D. Anat. & Chir. P. P. O. in
 Vniversit. Argentoratensi.



COrporis humani structuram nosse tenetur
 Si malè dispositam quis reparare cupit;
 Hinc labor assiduus, quo Tu noctesque diesque
 Viscera lustrasti, præmia digna refert.

*Præstantissimo Domino Candidato hac cum voto
 omnigena prosperitatis apposuit*

W. B. Nebel, Phil. & Med. Dr.
 Prof. Ord. Acad. Herbornensis & Colleg.
 Cæsar. Nat. Cur. Socius.

Mens

Mens stupet, attentis oculis si corpora spectat,
 Quæ complent terram, conficiuntque polum.
 Immenſus numerus, mirè variansque venuſtas
 Immenſum nobis detegit Artificem.
 Si quis in humano ſcrutatur corpore partes,
 Heu! non Authorem diceret eſſe DEUM?
 Non tam ſubtiles contexit aranea caſſes,
 Ac tu membrorum ſtamina prima vides.
 Fibræ nunc rectæ, nunc contorquentur in arcum,
 Mirificus nexus vaſcula mille parit.
 Arbor vaſorum latè ſua brachia tendens
 Rore rubrô partes irrigat atque fovet.
 Incola nervorum, ſubtilis ſpiritus artûs
 Commovet, & ſenſûs organa vivificat.
 Nunc animæ nutû rapidô cupit ire volatû,
 Nunc verò mentis ſubditus eſſe negat.
 Spiritus hic omnes in corpore concitat actûs,
 Cujus defectû viſcera torpor habet.
 Muſculus obſervans haud unum tramite ductum
 Hujus agente tamen ducitur imperiô.
 Quanta Creatoris Divi Sapiencia fulget!
 Omnipotens Numen nonne creavit opus?
 Artis Amatores Medicæ vidiffe juvabit
 Sæpius edoctâ viſcera ſecta manû.
 Inde DEUM gratâ cognoscet mente colendum.
 Ac ut cum ſano diſcrepet æger homo.

Te quoque, Mi KOCHI! dextrè lustrasse secundo
Exanimes artûs, sat docet hoc Specimen.
Gratulor, aspiret felix Conatibus aura!
Ut possis ægros arte levare tuos.

*Hac Nobilissimo ac Doctissimo Domino Doctorando
gratulabundus apposuit*

D. Faber, M. D.

Omnia bella Deus cum damnet ubivis in orbe,
Et nusquam Martis ferveat orbe furor.
En eris ò KOCHI solus qui bella ciebis,
Murcia quæ dicat bella nefanda Deæ.
Egregium specimen dum nunc expromis, Amice,
Quo Tibi Doctórum fortia corda ligas.
Perge bonis avibus nec tantis desine cœptis,
Sic Decus urbis (orbis) eris, deliciæque Patris.

S. S. Wegelin, Med. Cand. Sangallo-Helvet.

Quid multis ego nunc tandem tibi grater, Amice,
Cum feriant aurem tot bona totque pia,
Quæ videor conjuncta quasi audire undique, vota?
Impleat hæc ergo prospera vota Deus!

*Nobilissimo atque Doctissimo Dno Candidato
de honore obtento quam profusissime
gratulabundus huius posuit.*

**Joh. Philippus Stoeſius, S. Th. St.
Mannhemio - Palatinus.**

